

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 31 1940

3

↑ 3150/0332.83

應州續志卷之四

哈佛大學漢和
圖書館珍藏印

應州知州南豐吳炳纂輯

祠祀志 壇廟

寺觀

塚墓

按文獻通考志郊祀歷敘日月星辰社稷山川之祭而終以雜祀淫祠謂品節儀文祝史有司知之其義則非儒宗講求不能明也祭義云日月星辰民所瞻仰山林川谷邱陵民所取材用非此族也不在祀典應自壇壝外城隍八蜡諸祠尚有功德於民無慙報享他如道宮梵室結構連雲皆淫祠類也聽其並存可耳至名賢祠

德一抔邱壠雖非祀典所及亦有動人憑弔者次祠

壇廟

社稷壇 在城外西南隅壇制詳見舊志雍正十一年

署知州樊天漢補修乾隆三十四年知州吳炳捐俸重修

風雲雷雨山川壇 在南關西隅壇制詳見舊志雍正

十一年署知州樊天漢補修乾隆三十四年知州吳炳捐俸重修

先農壇 在城外東郊雍正五年知州靳治徐奉文建

正房三間配房各一間週圍築土爲牆乾隆三十四

年知州吳炳捐俸重修

藉田地四畝九分收穀一石五六斗不等每年祭祀用穀一石四斗五升餘積至五年糶售一次其價作爲祭祀之用不敷赴司請領又歷任前牧陸續捐買壇外東西兩旁餘地二十畝以資修壇費用並給守壇人口食

厲壇 在北城外有土臺一處並無壇臺圍牆門樓諸頂每遇祭日搭棚祭祀

城隍廟 在城內西南隅學宮之東前後創建修葺

見舊志乾隆三十三年知州吳炳重修有碑記

開化祠 在城內東北隅乾隆二十年建二十九年重修

元武廟 在北城上乾隆十四年重修

馬神廟 一在州治馬號一在東關甕城乾隆十八年重修乾隆三十四年於甕城建樂樓一座

火神廟 在城內西南隅乾隆三十年重修

恆山廟 在西關甕城乾隆十五年重修

財神廟 在城內西北隅乾隆四年重修

玉皇閣 在城內南街乾隆三十四年重修。本名通明閣見林贊王所撰碑記

地藏庵 在城內東北隅乾隆三十三年重修。俗稱閻王殿

聖母廟 在城內西街相傳唐明宗母建乾隆十五年重修乾隆三十一年建樂樓一座

炳查應地諸祠廟城鄉建設甚繁關帝廟在關內亦有五所雍正四年後已載舊志未經修葺者槩不

重錄田志載天王祠在古舊城東北隅唐魏公李靖創建按李靖封爵為衛訛衛為魏或係記憶之誤至

稱為天王沿襲三家村梨園之說筆諸志乘則鄙陋甚矣又云晉王李克用母嘗禱於祠見壁裂金甲神

躍出後生克用蕭志刪數語未載殆知聖人不語怪之意耶然祠名仍列簡首亦未識儒者擇言之道也

據田志云遼金尚存元末兵燹是已無其地矣削去允宜

寺觀

佛宮寺 在城西北隅前後創建修理詳見舊志乾隆三十一年重修。通志云舊志載晉天福閒建遼清寧二年重修考田蕙記寺無舊碑文僅得石一片書遼清寧二年田和尚奉勅募建十二字郡志州志皆本此不知舊志何據豈寺權輿於天福而木塔則肇自清寧也耶

覺興寺 在城東街俗名南寺前後創建修理詳見舊志乾隆二十九年重修

淨土寺 在城東北隅俗名北寺前後創建修理詳見舊志。按舊志金天會二年建歷今數百年而佛殿椽桷之下以木板雕鏤龍鳳嵌置其間金碧照耀尙未剝落其制異於他寺故老傳係明宗祖廟前室寢殿在今北城外後移建城垣隔斷故址遂廢攷五代史明宗天成二年十二月追尊四代祖考皆爲皇帝妣爲皇后立廟應州是必實有其地所言或非訛傳附載於此

大安寺 在州南崔家莊田志寺內有明太祖賜壁文

上人詩刻宋學士濂塔銘蕭志失載乾隆三十年重修

彌陀寺 在州東北邊耀村乾隆二十一年重修。按州西南賈莊村尙有西彌陀寺

下生寺 在州西南東賈莊村乾隆三十年重修

天王寺 在州東南下社村乾隆二十九年重修。按天王寺應係天王祠之訛似宜更正

文殊寺 在州東南小石村詳見舊志田志寺內有古松霜皮蒼翠枝幹如龍

龍灣觀

在州南下寨村乾隆八年重修

炳按雲中爲北魏拓拔氏故都其俗較前代事佛尤甚鳩木爲宮範金爲像竭民力成之莫可紀極以故雲屬梵宇璇題雕甍勝於他郡遼史載道宗崇尚佛教一歲飯僧至三十六萬人一日祝髮至三千人攷佛宮寺木塔建自遼清寧二年正當道宗沉溺異端之日以浮屠爲皈依視金銀如泥沙成此無益之舉嗚呼是可感也田志云蔬殿珠宮丹堊莊嚴博雅好古之士卽尸祝之而棟廡湫隘莠草不除者有矣據

此則愚民惑於因果輪迴之說輕重失倫又可感也朱竹垞檢討謂拓拔之主逞其淫刑殺人如割羊豕佛氏倡好生斷殺之言世主往往稍迴其殘忍之性是佛教在當日固有益於民也旨哉言乎

塚墓

唐朱邪府君墓 通志在馬神祠下朱彝尊朱邪府君

石蓋記丁未之秋自代州復至大同將次應州避雨

馬神祠下前有施食臺刻石列八卦於旁又書二十

八宿字心異焉俾從者覆而觀之上有篆文曰唐故

汾州刺史朱邪府君墓誌銘蓋沙陀之俗死焚其骨

盛以石函此則其蓋也攷後唐家人傳無官汾州者

惟明宗之父電嘗贈汾州刺史見冊府元龜又葬於

應州其爲電墓銘無疑史稱明宗無姓氏太祖養以

爲子不知其父冒姓朱邪者久矣後明宗卽位謚其考曰孝成廟號德祖當其時祠官之守春秋之祭山陵之封土必崇孰意爲人所發千載之下并石函亡之而僅存其蓋也乃言於按察副使曹公溶徙之於州學而爲文記之

五代周太師周密墓

舊志在城東城下莊隆慶閒塌

出。通志按五代史無周密惟馬邑周德威嘗贈太師或緣此悞書抑或其祖耶予攷宋史周廣傳廣之先應州神武川人父密事晉歷鄜延晉三鎮節度使

周廣順初至太子太師致仕是周密墓在應州無可疑者通志疑墓係周德威之祖似屬訛誤然周廣順時應地久屬契丹密何繇歸葬故鄉則亦不可究詰矣

金應州錄事司劉筠墓

宋澤墓誌銘應州寅賓里劉

愈詮將合葬其父母來以問銘於余蓋所以重其親之終欲信其言於後世也君素無祖父之舊址不數年而家給亦不爲小謹小廉以投衆人之耳目而取予進退必度其仁義可否有弟劉完何視其家有不

己若常使服用飲食綽綽羨餘其臨終也又分授莊園第宅君之卒年六十明昌六年葬於金城之東今再卜泰和三年合葬於上瑞鄉白家堡東原之下子三人長曰愈詮次曰愈安三日愈勵其大畧如此誌石在今城隍廟內為柱形方隅八面高二尺許徑一尺亦古所僅見者字多剝落恐愈久而磨滅不可識故撮其要附載於此

國朝左光圖墓

明河南嵩縣知縣通志光圖歿貧不克葬魏敏果象樞買地葬之墓在魏里南馬莊

應州續志卷之五

應州知州南豐吳炳纂輯

官師志

封建

職官

名宦

兵防

通考云古者文武合而為一大臣出可以將入可以相小臣簪筆可以待問荷戈可以前驅後世司文墨者不能知戰陳被介冑者不復識簡編於是文武之途分矣予謂文武雖不能相通業已身任其地皆不宜聽其混沒無傳舊志於遼金時彰國軍節度文武兼轄者既未搜載即近如元之教諭明之指揮亦復任其闕遺史傳

猶留姓名志乘不登爵秩何以追後死之責耶爰廣撫
廿二史并各祠廟石刻別爲敘次雖未盡得其全而較
前志所增不啻倍之或可稍告無罪矣夫次官師

封建

北魏金城公周觀 魏書本傳觀代人驍勇有膂力每

一在軍陳必應募先登以軍功屢進爲都軍副將鎮雲

中神麋中進爵金城公

唐金城侯李道廣 唐書李元紘傳道廣武后時同鳳

一閣鸞臺平章事封金城侯

金城伯李朝隱 唐書本傳朝隱開元時遷大理卿封

金城伯

宋金城侯趙德潤 宋史宗室列傳德潤字溫玉淳化

元年授右領軍衛將軍四遷右羽林將軍卒贈應州
刺史封金城侯

炳按北魏有懷荒鎮金城戍又有金城郡唐有隴西
金城郡又有應州金城縣金城之名不一或疑封爵
未必皆係境內然周觀旣屬代人又爲雲中鎮將其
進爵爲公宜卽州之金城是應州不始於唐亦卽此
可証趙德潤封爵在宋淳化初年其地雖入於契丹
然閒取他境地名以爲封號南北朝皆有其事蓋非
實封食邑也本傳明書卒後封贈可知惟二李所封

或非其地未敢必耳前之志應者因仍簡陋以致舊
一聞放失故寧存之不敢蹈其覆轍云

職官

應州刺史

西魏

唐陵 見北史

北周

張羨 見子張嬰傳

李超 見子李景傳

隋

唐君明 開皇初卒於官 見北史。隋書柳彧傳唐

君明居母喪娶雍州長史庫狄士文之從父妹治書侍御史柳彧劾之二人竟坐得罪按此與北史異

五代後唐

彰國軍節度使

李從璋 明宗姪明宗即位拜彰國軍節度使 見家

人傳

石敬瑭 明宗時拜彰國軍節度使大同振武威塞等

軍蕃漢馬步軍總管 本紀

張敬達 字志通代州人少以騎射專莊宗為廳直軍

使明宗時屢遷彰國軍節度使 本傳

應州節度使

尹暉 魏州大名人廢帝時為應州節度使 本傳

應州刺史

康思立 山陰諸部人少為騎將從莊宗破梁夾城戰

柏鄉累以功遷突騎指揮使明宗即位歷應州刺史

有善政 本傳

五代晉

彰國軍節度使

張彥澤 出帝時拜彰國軍節度使 見本傳。按高祖以應州入於契丹則出帝時不應晉有彰國軍也存以俟攷

宋

彰國軍節度使

張廷翰 乾德中以隨平蜀功授侍衛馬步軍都虞候

領彰國軍節度使 本傳

王承衍 駙馬都尉太平興國初遷應州刺史拜彰國

軍節度使 本傳

康保裔 真宗初尋遷并代州都部署 忠義傳

曹璨 至道初 本傳

彰國軍留後

王繼勳 明德皇后母弟乾德四年 外戚傳

應州觀察使

李漢超 太平興國初為關南巡檢遷應州觀察使

本傳

劉承規 大中祥符時拜宣政使應州觀察使 本傳

應州兵馬都監

王 侁 太宗時 本傳

應州都巡檢使

解 暉 雍熙初 本傳

應州刺史

侯莫陳利用 雍熙二年 本傳

按應州石晉天福時入契丹其後宋雖收復旋即失之不宜有節度刺史等官但宋制奉朝請者有遙領使職守邊者亦有遙郡刺史或即其類未可知也既已見正史即當備錄以資考証

遼

彰國軍節度使

蕭敵烈 穆宗應歷四年

耶律海里 景宗保寧初

耶律學古 景宗乾亨二年時南境未靜民思休息學

古禁寇掠以安之

韓 傳 聖宗統和二年由武衛大將軍拜彰國軍節

度使兼侍衛親軍兵馬都指揮使

艾 正 統和四年以應州附於宋詔遣使賜樞密使

斜軫密旨及彰國軍節度使杓窠印以趣征討按國語解
云杓窠驚鳥總稱以為印紐取疾速之義
凡調發兵馬則用之與金魚符銀牌畧同

牛璘 聖宗開泰二年

耶律宏古 聖宗太平元年

耶律仙童 興宗重熙時

韓雱金 謝十之父

韓謝十 道宗清寧時十年十一月以為惕隱按惕隱夷離畢

俱係遼貴職

蕭速撒 清寧時歷北回林牙彰國軍節度使

耶律頗的 道宗咸雍八年改彰國軍節度使歷南院

宣徽使

奚抄只 道宗太康七年由夷離畢為彰國軍節度使

耶律大悲奴 天祚時本紀謂乾統中本傳謂天慶中

未知誰是

應州節度使

骨只 聖宗詔第山西諸將功過而賞罰之應州節度

使骨只以聞敵逃遁奪官 以上俱見遼史

應州節度判官

石篤 大安二年 見興福寺石幢

節度推官

劉守榮 重熙九年 見淨土寺石幢

應州觀察判官

宋 雄 統和四年與艾正同以應州降宋 見宋史

金

彰國軍節度使

移刺胡刺 世宗大定時應州猶與世宗子永功有舊

將訴事於彰國軍節度使求永功手書與胡刺為地

胡刺得書奏之上謂宰相曰永功以書囑事胡刺此

雖細微不可不懲也凡人小過不治遂至大咎有犯

必懲庶幾能改是亦教也皆目陛下用法無私臣下

敢不畏敬於是永功解職

大懷貞 大定時字子正遼陽人

張萬公 章宗時字良輔東阿人 以上俱見金史

王端仁 章宗明昌四年 見重修廟學碑記

牙改 宣宗貞祐中為李鵬飛誣殺詔完顏伯嘉治之

幹勒合打 貞祐四年以同知太原府為彰國軍節度

使宣撫副使

彰國軍節度副使

阿喜 宗室子好學問襲父北京路筭柏山猛安聽訟

明決人信而愛之察廉能除彰國軍節度副使改卜

京留守判官提刑司奏彰國軍治狀遷同知速頻

節度事

完顏袞 明昌元年以御史臺薦除授

應州招討使

蒲察通 世宗時 以上俱見金史

彰國軍節度判官

程元凱 大定十八年 見覺興寺石幢

錄事司錄事

王 詒 大定十八年 見覺興寺石幢

應州教授

牛 鑄

王 同門 本州人

應州學正

宋 冲 本州人

應州學錄

張安仁 四人俱見明昌四年重修廟學碑記

元

金城縣教諭

劉思溫

穆誠中 二人俱見泰定元年重修廟學碑記

明

應州知州

秦貴 見正統三年明倫堂鐘

王魯 汝寧人嘉靖時見所作魁星讚碑

應州同知

韓翔

應州判官

李璠

應州吏目

王俊 三人俱見正統三年明倫堂鐘

李瓚 通州人見宏治三年重修廟學碑記

葛鏞 見嘉靖三十七年重修元帝廟碑記

王師益 見萬曆二年王家屏修應州城記

金文韶 撫寧縣人萬曆十三年見覺興寺鐘

陳世贄 萬曆二十八年見關帝廟鐘

宗世澤 天啓二年見佛宮寺鐘

錢思廉 見崇正十三年淨土寺碑

應州安銀子驛驛丞

林洪 見嘉靖三十七年重修元帝廟碑

甯行意 天啓二年見佛宮寺鐘

劉寬 見崇正十三年淨土寺碑

應州大使

王璽 祁州人 見宏治二年重修廟學碑記

應州學正

柴綬 見正統三年明倫堂鐘

趙逢 見嘉靖三十七年重修元帝廟碑

仝朝 鄆縣人萬曆十三年見覺興寺鐘

陸璟 見登塔詩

應州訓導

李壽

董寧 二人俱見正統三年明倫堂鐘

霍真 成化時見薛敬之科貢題名記

趙璿 任邱縣人

唐盛 懷遠縣人

俞祺 含山縣人 三人俱見宏治三年重修廟學

碑記

方惠 靜寧州人 見宏治壬戌年重修城隍廟碑

記

馬尚德

三省

劉乾元

李蛟 四人俱見嘉靖三十七年重修元帝廟碑

李充道 灤州人萬歷十三年見覺興寺鐘

劉戢民 解州人天啓二年見佛宮寺鐘

李世元 陽曲縣人崇正十三年見淨土寺碑

高彥臣

張進中 二人萬歷時俱見學宮二坊暨射圃記

常如岫 天啓六年見西門外觀音寺鐘以上三人祇

書博士教官未審是學正訓導附載於後
以上舊志俱遺漏補書於此其已載者不必重錄

朝

按舊志雍正四年以前知州吏目學正訓導俱已全
載茲自四年以後知州至訓導正署備錄雍正十一
年奏准於安東衛舊地添設巡檢司一員駐劄西山
口前村分轄左右二里二十二村莊專司稽查匪類
兼督逋欠錢糧舊志無今詳載於吏目之後

應州知州

蕭綱 貢生廣東順德縣人詳見舊志

靳治徐 監生鑲黃旗人雍正五年二月任

張推 山東人山陰縣知縣雍正五年十一月署任

趙炳 監生鑲黃旗人雍正六年任

凌世升 貢生順天大興縣人渾源州知州雍正九年

三月署任

雷暢 拔貢生四川井研縣人候補知縣雍正九年

六月署任

河源溥 監生正黃旗人雍正十年任

樊天漢 貢生江蘇長洲縣人渾源州知州雍正十一年六月署任

葉夢榮 監生廣東人雍正十一年十月任

詹紹文 拔貢生四川人候補知縣雍正十三年二月

署任

封宜孫 貢生江蘇通州人雍正十三年六月任

何鳴謙 拔貢生安徽青陽縣人候補知州乾隆五年

十月署任

竇容遠 舉人河南柘城縣人乾隆七年三月任十年

陞忻州直隸州知州離任

錢廷鏞 監生浙江歸安縣人候補知縣乾隆十年署

一任

吳柄 貢生河南河內縣人乾隆十一年三月任本

年十一月病故

張樹玉 監生鑲藍旗人渾源州知州乾隆十一年十

二月署任

繆集 進士江蘇泰州人乾隆十二年任二十年告

休離任

盛典 舉人正白旗漢軍大同府同知乾隆二十年三月署任

祝應權 貢生安徽六安州人乾隆二十年八月任二十四年五月告病離任

陳映進 拔貢生湖南新寧縣人按察司經歷乾隆二十四年五月署任

馬伯輅 進士陝西綏德州人乾隆二十四年九月任二十五年丁憂離任

萬廷莘 舉人江西南昌縣人候補知縣乾隆二十五年四月署任

吳超 貢生江蘇山陽縣人乾隆二十五年九月任三十一年調任陝西隴州知州

王如玖 監生順天宛平縣人候補知州乾隆三十一年六月署任

吳炳 進士江西南豐縣人乾隆三十一年十一月由陝西隴州知州調任三十四年陞平定直隸州知州

張五典 舉人陝西涇陽縣人候補知縣乾隆三十四年七月署任

劉允捷 貢生直隸棗強縣人乾隆三十五年二月任
應州吏目

毛漣 吏員順天大興縣人見舊志

陳睽顯 監生浙江人雍正八年任

朱大奎 監生山東人雍正十一年任

朱應兆 監生直隸成安縣人雍正十二年任乾隆二

年大計被叅

徐縉 吏員順天府三河縣人乾隆二年九月任

歐陽概 監生湖南邵陽縣人乾隆二十三年任

李珍煦 監生直隸棗強縣人乾隆二十七年任三十

二三年丁父憂去

崔洪元 監生直隸交河縣人乾隆三十三年任

應州安東司巡檢

劉瑜昌 吏員江西高安縣人雍正十一年任

吳天祐 吏員廣東大埔縣人乾隆十年任

陳大本 貢生四川梁山縣人乾隆二十四年任

朱維億 貢生山東武城縣人乾隆二十六年任

許霆 監生浙江錢塘縣人乾隆二十七年任

一應州學正

李 幹 見順治七年重修關帝廟碑記 舊志失載

張行恭 歲貢靈石縣人順治年任州學正陞廣東四

一會縣知縣歸占籍為州人即張鶴齡之高祖

楊雲翼 進士平陸縣人雍正四年由河南鞏縣知縣

一改任見舊志

孫龍光 孟縣舉人乾隆三年任在任中式進士赴外

知縣去

劉文華 鄉寧縣舉人乾隆十四年任保舉陞四川

縣知縣

郭 揚 長治縣舉人乾隆二十年任陞澤州府教授

王錫旂 壺關縣舉人乾隆二十六年任三十三年病

一故

陳 芸 猗氏縣舉人乾隆三十四年由陝西商南縣

一知縣改任

一應州訓導

韓文柳 定襄縣歲貢雍正三年任見舊志

喬 菁 祁縣歲貢雍正五年任

趙連城 潞城縣歲貢雍正十年任

柯緝武 陽曲縣歲貢乾隆六年任十五年病故

鄧光漢 平定州歲貢乾隆十六年任

衛賢尹 猗氏縣歲貢乾隆二十一年任三十一年病

故

張廷綽 榆社縣舉人以教諭管訓導事乾隆三十二

年任

炳攷 遼百官志應州彰國軍節度使司有觀察使觀察副使觀察判官又有轉運使司州學有博士有助

教明地里誌有小石胡峪茹越諸口巡檢司舊志因陋就簡職官祇載明州牧以下餘皆任其缺遺疎矣夫遼金諸史並非僻書五代史職方考大書彰國軍建設之由俱昭然在人耳目乃節慶諸使槩不搜載而畧無証據之王忠嗣楊業反列名宦之首不令人齒冷耶應地文獻無從稽核其碑碣僅存如明昌四年所紀猶留什一於千百足補舊志之闕益以見考古之不可不精而修志者正史不觀殘碑不錄貽悞將來爲可感也

帝如岷 榆社縣歲貢明天啓年任應州訓導見榆社縣志。前已附載但據觀音寺鐘祇書教官未知是學正訓導補正於此

榆社縣志又載如岷為四川開縣知縣當是由訓導陞任也因併附錄

名宦

唐

王忠嗣 舊志載天寶初以大同軍節度使駐應北討戰桑乾河攷唐書本傳忠嗣開元中為大同軍節度使二十九年節度朔方兼雲州都督天寶元年北討奚怒階戰桑乾河三遇三克耀武漢北高會而還據此忠嗣並非駐應蕭志直加駐應二字於北討之上附會田志列諸名宦而又誤載為宋舛謬甚矣至本傳云自朔方至雲中延袤千里據險築城斥地甚遠

是忠嗣有功於雲大同附祀名宦可耳總之與應州無涉

李克用 舊志載僖宗時克用殺大同防禦使段文楚自稱留後駐鎮應州遠近畏服地方賴寧攷五代史本紀懿宗十三年克用爲雲州守捉使因父國昌拒命亦殺大同軍防禦使段文楚據雲州自稱留後據此克用殺文楚在懿宗時非僖宗時且擅據雲州非駐鎮應州舊志於逆命之後添注數語殆爲從祀張本乎又本紀載黃巢陷京師陳景思承制以克用爲

代州刺史鴈門以北行營節度使不知代北地廣矣豈應州卽爲駐鎮之所獨宜俎豆宮牆也歟。按五代史國昌在振武出擊黨項爲赫連鐸襲破克用在雲州聞之往迎而雲州人亦閉關拒之克用父子無所歸因掠蔚朔閒得兵三千國昌入保蔚州克用還據新城攷遼志天祚出奔欲趨黨項至應州新城東六十里爲金完顏婁室等所獲是新城或係應州爲克用所駐然首列名宦則附會矣

宋

楊業 攷宋史本傳太宗以業老於邊事遷代州刺史兼二交駐泊兵馬都部署後以功遷雲州觀察使仍判代州雍熙三年副潘美北征兵敗被擒死之是業並未官應舊志以副潘美爲雲應軍行營都部署逐列之名宦不知雲應軍行營乃軍行暫假之職非常設之員况應州旋爲契丹收復業實未久駐雖經殉節其不宜以違地而祀宋臣明矣應州至元歷數百年始入中國未審何時儼然附祀享有烝嘗殆不足辨

元

韓浩 舊志載至正閒授便宜都元帥兼應州彰國軍節度使按史元初以彰國軍仍爲應州是元時無彰國軍節度使也存以俟攷

炳按舊志載名宦三十餘人而終之以本任甚矣其舛也夫從祀之典國家藉以表彰駿異風勵天下寧嚴毋濫乃增損任意蒼素互陳可乎今朝代屢更木主廢撤未知何者實係旌別之人故予於此志祇就元以前其人其事可疑者考其顛末非好爲異也正

以汗簡千禩不敢苟且附會云爾又蕭志云 國朝
司牧未遑請祀是秦珣四人亦不宜殿名宦之後姑
識之以待來者論定焉

兵防

唐會昌三年以雲應蔚朔諸州爲大同道罷屬河東置
都團練使領之未幾改防禦使後升爲節度見通志辨証

五代應州故屬大同軍節度後唐明宗卽位以其應州

人也乃置彰國軍

五代史職方考

遼彰國軍節度兵事屬西京都部署司

地里志

金世宗大定五年設招討司以鎮邊陲西南路置於應

州以重臣知兵者爲使列城堡濠牆戍守爲永制

兵志

○金史西南路訛西北路

宣宗與定二年六月樞密院言諸道表稱元集兵應州
飛狐將分道南下宜教閱兵士以備緩急

帝紀

元大德四年於西京黃花嶺立屯田六年立萬戶府所
屬山陰馬邑金城等凡七屯

地里志

明洪武初山西行都司設安東中屯衛指揮使司初爲

東勝州仁宗洪熙元年改調本州轄二所分守應渾

懷仁三城

田志

宣宗宣德七年置守備四十二員分駐懷仁應州山陰

朔州等處

兵制

朝順治十六年裁安東中屯衛歸并應州

郡志

應州營駐防額設守備一員馬戰守兵一百七十七名

康熙二十一年撥入撫標守兵七名三十六年將本營

守兵一十一名撥換殺虎協馬戰兵一十一名三十八

年撥入左衛守兵一名寔在經制守備一員雍正三年

添設外委把總一員乾隆元年添設火器營外委一員

乾隆二十七年添設額外外委一員馬戰兵二十名步

戰兵四名守兵一百四十五名營馬二十一匹

額設軍器

盔甲一百五十三頂付 腰刀一百五十三口 烏

鎗六十五杆 官兵備箭三百三十枝 蟒緞旗幟

四套 單帳房二十一頂 被帳房六頂 乾隆元年新添五頂

帳房簾子三十個 乾隆元年新添五個 備貯五年火藥二千

八百八十一斤四兩 備貯五年鉛丸七萬二百顆

鎗砲火繩三百三十五盤 銅鑼鍋十二口 乾隆元年新添

二十口

其餘鐵鋤鑿斧鋤鎌椿繩等項新舊俱全

生鐵紅衣大砲一位 生鐵紅衣砲二位 生鐵

子九千五百七十個 佛郎機砲二位 以下乾隆元年添置

隨手提小子砲十位 虎頭砲架二條連枕 大小

藥葫蘆四個 鐵拴二付 隨砲鐵子一千顆

盈餘軍器

盔甲三頂付 腰刀八口 藤牌三百 牌刀三口

挑刀三口 長鎗二杆 鎗頭五個 號衣帽各二

頂件 棉甲壯帽六頂付 纏腰三圍 銅鑼鍋二

口 破銅鑼 鍋七口

其餘鐵鋤鑿斧鋤鎌鈴鐺俱全

汛舖十四處 墩臺十四座 營房八十二間 烟墩

七十個 塘兵四十二名

每歲官兵馬匹俸餉等銀二千八百四兩四錢六釐

支米二百八十九石四斗零 支豆三百石

明

安東中屯衛指揮使

鮑孟輝 世襲指揮使

鮑崇德 二人俱見鮑氏家譜

俞隆 正德十一年見佛宮寺鐵爐

魏宏 見嘉靖三十七年霍希夔修元帝廟碑記

唐增

李培

魏寶

馬桓 四人俱嘉靖三十七年見修元帝廟碑

梁勳 見萬歷二年王家屏修州城碑記

虞勳 萬歷五年見修北岳廟碑

劉勅

劉勛

張翊

五人俱萬歷十六年見元帝廟碑

虞楠 萬歷十八年見觀音院鐘

梁琦 世襲指揮使萬歷三十年見舊志忠義

楊培 萬歷二十六年見蕭志祠廟條

唐一貞 萬歷二十六年見修關帝廟廡碑記

梁珍 萬歷三十四年見駕王廟鐘

劉正 見題八景詩

楊英 見題八景詩

俞體乾 天啓六年見西門外觀音院碑

梁國柱

王熙

楊芳

唐倫 四人俱崇正十三年見淨土寺碑

黃鉞 崇正時見淨土寺鐵爐題名

劉永昌 世襲指揮使崇正時見舊志忠義

虞希賢

唐重鼎 二人崇正時俱見關帝廟碑

安東中屯衛指揮僉事

唐 鑒 景泰時見淨土寺碑

俞 棣 萬歷十三年見覺興寺鐘

張 豪

黃 拱

尤 富 萬歷二十六年三人俱見修關帝廟廡碑記

黃 選 萬歷三十四年見馬王廟鐘

吳從周

吳承恩 二人俱崇正十三年見淨土寺碑

安東衛鎮撫司鎮撫

宋承恩

郭鳴鳳 二人萬歷十三年俱見覺興寺鐘

郭 榮 見萬歷十六年重修元帝廟碑

郭 都

宋一中 二人萬歷三十四年俱見馬王廟鐘

應州守備

陳 懷 成化十五年見蕭志公署條

劉 鏜 正德十一年見佛宮寺鐵爐

高良臣 見嘉靖三十七年霍希夔修元帝廟碑記

盛愈謙 潼關人見嘉靖三十八年修城碑

蕭以望 嘉靖四十三年見蕭志城池條

李迎恩

夏 芳 二人俱萬歷二年見王家屏修州城碑記

趙德乾

張德恩 二人俱見萬歷五年修北岳廟碑

張美相 萬歷十三年見覺興寺鐘

尚 仁 萬歷十九年見蕭志武備條

鄭 儒 萬歷二十五年見田蕙修南關碑記

韓 立 大同人萬歷二十八年見關帝廟鐘

劉 冕

李國忠 二人俱萬歷三十三年見北岳廟鐘

田中碩 萬歷三十四年見馬王廟鐘

熊 綱 代州人見桑乾煙雨題詩

鄒尚信 天啓二年見佛宮寺鐘

張 繡 崇正十三年見淨土寺碑

安東中屯衛千戶

劉鑑 成化十六年見蕭志祠廟條

陸秀

劉本

陳錫 三人俱見嘉靖三十七年修元帝廟碑

王承業 見萬歷五年修北岳廟碑

嚴勵 見萬歷十六年修元帝廟碑

應州千總

尤漢臣 見萬歷五年修北岳廟碑

張勇 見萬歷三十三年北岳廟鐘

安東中屯衛百戶

張仲夏 萬歷十八年見觀音院鐘

蔡仁 萬歷三十四年見馬王廟鐘

張鳳羽

劇延都

奚貢 三人崇正十三年俱見淨土寺碑

應州把總

蔣相 見嘉靖三十七年重修元帝廟碑

梁 熊

柴廷玉 二人俱見萬歷十六年重修元帝廟碑

以上舊志俱失載

國朝

守備 按雍正四年以前舊志已載不重錄

楊志武 見順治七年重修關帝廟碑記舊志失載

毛光祖 見順治十二年重修廟學碑記舊志失載

林元藩 武進士廣東澄海縣人見舊志雍正十年

任

魏大成 一行伍大同縣人雍正十年署任

睢世榮 一行伍大同府得勝人雍正十年署任

韓 烈 恩蔭生陝西甘州府人入籍四川合州雍正

十一年任

次 卿 一行伍大同縣人雍正十二年署任

永 常 驍騎校鑲黃旗滿洲乾隆二年任

朱輝彩 武進士陝西咸寧縣人乾隆四年署任

黑 格 前鋒校正黃旗滿洲乾隆七年任

郝 府 行伍太原府陽曲縣人乾隆二十年署任

白達色 護軍校鑲白旗滿洲乾隆二十年任

郭玉都 行伍大同縣人乾隆二十八年署任

太平保 前鋒校正藍旗滿洲乾隆二十八年任

王成龍 驍騎校係出旗漢軍乾隆三十三年署任

二格 護軍校正紅旗滿洲乾隆三十四年任

外委把總 雍正三年添設

杜玉秀 行伍應州人雍正三年任

王尚奇 行伍山陰縣人雍正七年任

馬日干 行伍應州人雍正十年任

李華 行伍山陰縣人乾隆十六年任

周會文 行伍大同縣人乾隆二十八年任

王榮宗 行伍渾源州人乾隆三十三年任

火器營外委把總 乾隆元年遵 旨議奏事案內 添設乾隆十一年奉裁

鄭之會 行伍應州人乾隆元年任十一年離任

額外外委 乾隆二十七年添設

陸定富 行伍應州人乾隆二十七年任

炳按明史兵志三關形勢寧武為中路莫要於神池 偏頭為西路莫要於老營堡鴈門為東路莫要於北

婁諸口于攷其盛時增官設備峻垣深濠烽埃相接
重門禦暴之意凜凜也嘉靖閒翁萬達總督宣大以
北婁平刑等爲次邊猶加意整飭未極敝壞沿及末
季邊防怠弛伍籍空虛鴈門以北敵騎充斥烟火蕭
然而明之廟社墟矣

國朝兵制冠於往代雖中外一家而安不忘危卽以應之
僻處荒徼其聲勢聯絡大小相維簡閱訓練不以一
隅而廢盛矣哉爰撫古今設官分職之要而備書之
至軍裝器械爲營伍必需諸志旣已臚列未可遺也

景泰時應州民師勦製銃有機頃刻三發及三百步
外俱試有驗見明史兵志予懼其泯滅無傳也特附
錄之

